


Novogodišnja poruka visokog predstavnika Schmidta



Poštovani građani Bosne i Hercegovine,

Kako se približava kraj 2024. godine, želim vam svima uputiti najsrdačnije čestitke u povodu predstojećih blagdana.

Želim da vama i vašim obiteljima Nova godina donese zdravlje, sreću i blagostanje!

Neka 2025. godina donese više mira širom svijeta, manje straha i ratova i manje kršenja ljudskih prava!

Ovo je vrijeme promišljanja o protekloj godini, što je i prilika za razmišljanje o putu koji je pred Bosnom i Hercegovinom i želim zahvaliti svima koji tom putu doprinose. BiH se nalazi na ključnom raskrižju, a perspektiva članstva u EU nudi izuzetne mogućnosti. Kako bi se ostvario ovaj potencijal, pozivam sve čelnike da iskoriste ovu priliku i rade na provedbi značajnih reformi koje će pokrenuti pozitivne i trajne promjene i na taj način pridonijeti daytonskoj osnovi ove zemlje.

Ovaj tjedan mogao je biti tjedan novih pomaka za BiH u smislu funkcionalnosti ove države i njenog članstva u EU. Ali, puni uspjeh nije ostvaren.

Ne smijemo ponoviti neuspjehe koje smo vidjeli ako želimo suštinski odgovoriti na zahtjeve za provedbu reformi za članstvo u EU. To bi dovelo do zastoja u razvoju BiH.

Odgovornost za osiguranje svjetlige budućnosti za građane ove zemlje u rukama je organa vlasti. Sada je pravo vrijeme za djelovanje! Provedbom ključnih reformi, vlasti mogu jačati okruženje u kojem je moguća pravna sigurnost, u kojem se štite prava građana, poboljšava ekonomski standard, sprječava korupcija i unapređuje sveopći boljitet.

Ukratko, to je ono što svi želimo postići, za sebe, svoje obitelji i prijatelje, i za ovu zemlju.

Ovi koraci nisu samo politički imperativi – oni imaju suštinski značaj za osiguranje bolje kvalitete života za sve.

Možda vam je poznato da sam nedavno izdao Nalog kako bih spriječio finansijski kolaps Nacionalne i univerzitetske biblioteke. Vijeću ministara BiH također sam dao rok od 60 dana da predloži odgovarajuće rješenje koje treba usvojiti Parlamentarna skupština. Pola ovoga perioda sada je isteklo i toplo preporučujem da se preostalo vrijeme dobro iskoristi. Također pozivam i vas, pozivam javnost, da i ona pruži doprinos svojim mišljenjima i stavovima. Moramo sačuvati zajedničku kulturu i povijest Bosne i Hercegovine.

Nepoduzimanje potrebnih aktivnosti moglo bi ugroziti očuvanje bogatoga kulturnog i povijesnog naslijeđa Bosne i Hercegovine – naslijeđa koje pripada svim njenim narodima: i Srbima, i Bošnjacima, i Hrvatima i Ostalima. Ukoliko se ispune neophodni uvjeti, ove institucije, koje su na izvjestan način čuvari zajedničkoga identiteta i povijesti naroda BiH, imat će bolje mogućnosti nastaviti raditi važan posao očuvanja i omogućavanja pristupa ovom naslijeđu za buduće generacije.

Naši mlađi ljudi moraju znati i moraju učiti o prednostima zajedničkoga života u Bosni i Hercegovini.

Ne radi se samo o simboličnom pitanju nego se radi o očuvanju duše ove zemlje i duše njenoga naroda. Ovaj zakon će sačuvati strukturalnu i finansijsku osnovu ovih institucija kulture. To je poziv na poštivanje zajedničke kulturne povijesti i

budućnosti, kao i primjera ove kulture koji su od regionalnoga značaja. Nema mesta političkom ili stranačkom uticaju na neovisnost i slobodu kulturne tradicije ove zemlje.

Kao visoki predstavnik, i dalje sam istrajan u namjeri da dejtonska načela provedem u cijelosti.

Zahvalan sam svima koji mi u tome pružaju podršku. Imao sam mnogo susreta i razgovora s ljudima na raznim lokacijama i od ljudi koji se ne bave politikom, koji žive u ovoj zemlji, koji žive u dijaspori, naučio sam puno o njihovoј posvećenosti kako bi poboljšali situaciju u ovoj zemlji. Hvala im na tome!

Sljedeća godina bit će godina snažnoga fokusa na vladavini prava i borbi protiv korupcije. Korupcija i nepotizam nisu samo krivična djela nego predstavljaju i egzistencijalni napad na osobni i profesionalni integritet svih.

I dalje ću se fokusirati na zaštitu suvereniteta i teritorijalnog integriteta Bosne i Hercegovine, kao i na pružanje podrške ovoj zemlji na njenom putu ka stabilnoj i prosperitetnoj budućnosti u Europskoj Uniji. Svi će vidjeti da je BiH dobra zemlja u kojoj itekako ima smisla živjeti.

Podimo naprijed zajedno, prihvaćajući prilike koje nam se nude i radeći za bolje sutra svih građana Bosne i Hercegovine.

Želim vam sljedeću godinu ispunjenu mirom i zadovoljstvom!